



Broj: 01/1-02-965-3/23

Datum: 12.07.2023.god.

Gradonačelnik grada Visoko, na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), Pravilnika o javnim nabavkama („Službeni glasnik Grada Visoko" broj: 02/22), otvorenog postupka javne nabavke za izradu glavnog projekta fekalne i oborinske kanalizacije sa sanacijom saobraćajnice u naselju Muhašinovići, MZ Topuzovo Polje pokrenutog Odlukom o pokretanju postupka 01/1-02-965/23 od 13.06.2023.god. i objavljenog na Portalu javnih nabavki Obavještenjem o nabavci broj: 870-1-2-54-3-71/23, donosi:

O D L U K U o izboru najpovoljnijeg ponuđača

I

Komisija je konstatovala da su ponude ponuđača IBIS d.o.o. Zavidovići i „Zavod za vodoprivredu“ d.d. Sarajevo nepravilne, a ponuda ponuđača PERSPEKTIVA-inženjering je prihvatljiva.

U skladu sa navedenim i kriterijem za dodjelu ugovora najpovoljnijim ponuđačem proglašava se:

PERSPEKTIVA-inženjering d.o.o. Visoko
(sa cijenom ponude u iznosu od 7.930,22 KM bez PDV-a)

II

Izabrani ponuđač obavezan je dostaviti dokumentaciju iz člana 45. Zakona o javnim nabavkama iz tačke 11. tenderske dokumentacije, u skladu sa uslovima i traženim dokazima definisanim u tenderskoj dokumentaciji.

III

Po sticanju uslova za zaključenje ugovora, ugovorni organ će pozvati izabranog ponuđača radi zaključenja ugovora u skladu sa zahtjevima-uslovima ugovornog organa navedenim u otvorenom postupku.

IV

Odluka stupa na snagu danom donošenja.

O b r a z l o ž e n j e

Grad Visoko je pokrenuo otvoreni postupak javne nabavke za izradu glavnog projekta fekalne i oborinske kanalizacije sa sanacijom saobraćajnice u naselju Muhašinovići, MZ Topuzovo Polje Odlukom o pokretanju postupka broj: 01/1-02-965/22 od 13.06.2023.godine. Postupak je objavljen na portalu javnih nabavki Obavještenjem o nabavci broj: 870-1-2-54-3-71/23 i u Službenom glasniku BiH, broj: 43/23 od 16.06.2023. godine.

U skladu sa članom 13. Zakona o javnim nabavkama BiH („Službeni glasnik BiH" broj: 39/14 i 59/22) i Pravilnikom o uspostavljanju komisije za javne nabavke („Službeni glasnik BiH", broj: 103/14) Komisija je imenovana Rješenjem broj: 01/1-02-965-1/23 od 13.06.2023.godine, u sastavu:

1. Abas Avdagić, predsjednik
2. Mirha Šehović, član

1. Andrea Mitrović Karačić, zamjenica predsjednika
2. Evvel Žutić, zamjenik člana

3. Denisa Sirotanović, član
4. Zilha Sirčo, Sekretar

3. Aida Brkić-Burić, zamjenik člana
4. Seid Burić, zamjenik sekretara

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju Tenderske dokumentacije (TD) od strane ponuđača utvrđeno je da su ponuđači koji su dostavili ponude, preuzeli i TD.

U roku za dostavljanje ponuda 04.07.2022.godine (ponedjeljak) do 12:00 sati dostavljene su ponude ponuđača:

1. **IBIS d.o.o. Zavidovići**
2. **PERSPEKTIVA-inženjering d.o.o. Visoko**
3. **„Zavod za vodoprivredu“ d.d. Sarajevo**

Dana 10.06.2022.god. (petak) u 12:15 sati Komisija je pristupila otvaranju blagovremeno pristiglih ponuda.

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	IBIS d.o.o. Zavidovići	7.769,44	nema
2.	PERSPEKTIVA-inženjering d.o.o. Visoko	7.900,00	nema
3.	„Zavod za vodoprivredu“ d.d. Sarajevo	9.600,00	nema

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14 i 59/22).

Komisija je prilikom evaluacije pristiglih ponuda konstatovala sljedeće:

Ponuda ponuđača **IBIS d.o.o. Zavidovići** je nepravilna. Ponuđač je u okviru ponude dostavio Potvrdu o stečenom radnom iskustvu za Radovana Šmitrana broj: 194-02-IB/23 od 23.06.2023. godine u trajanju od 4 godine 1 mjesec i 23 dana što je vidljivo iz Liste osiguranih lica broj: 13-4/2-12-5-1145/2023 od 28.04.2023. godine. U potvrdi je navedeno da Radovan Šmitran na poslovima u struci sa visokom stručnom spremom sa danom 23.06.2023. godine ima radno iskustvo u dužini od 13 godina 5 mjeseci i 11 dana. Tačkom 12.2. Tenderske dokumentacije propisano je da ponuđač koji ima zaposlene diplomirane inženjere ne može izdati uvjerenje/potvrdu o radnom iskustvu koje je diplomirani inženjer stekao kod drugog poslodavca. Ponuđač je u okviru ponude dostavio potvrde o uredno izvršenim ugovorima:

- Izrada projektne dokumentacije za izgradnju kanalizacione mreže u dijelu ulice zagrebačka – LOT 4,
- Izrada Idejnog rješenja, Idejnog projekta i Glavnog projekta kanalizacije separatnog tipa dijela naselja Miševići, koji gravitira prema magistralnoj desti M-5 sa spojem na recipijente, općina Hadžići
- LOT 2 – Izrada varijanti idejnog rješenja kanalisanja i prečišćavanja otpadnih voda Brčko distrikta BiH,
- Izrada Idejnog i Glavnog projekta kanalizacione mreže u MZ G. Rahić (desna obala rijeke Brke), Brčko distrikt BiH,
- Izrada idejnog i glavnog projekta- glavnog primarnog fekalnog i oborinskog kolektora sa dva kraka na području Ponijera.
- Izrada glavnog projekta kanalizacionog ogranka Bare Matuzići i izmjene glavnog projekta kanal III5,
- Izrada Glavnog projekta fekalne kanalizacije u dužini 3500 metara za prelaz preko potoka Gračanica, MZ Gornji Ružević i Barić, opština Teslić,
- Izrada projekta fekalne kanalizacije u izbjegličkom naselju kod Starog gradskog groblja, opština Teslić

kojima dokazuje da posjeduje izvršene ugovore za dio predmeta javne nabavke. Tačkom 12.2. Tenderske dokumentacije Ugovorni organ je tražio spisak izvršenih ugovora koji su u vezi sa predmetnom nabavkom i jednu ili više potvrda koju/je daje/u druga/e ugovorne/a strana o uredno izvršenom ugovoru/ima koji su u vezi sa predmetnom nabavkom. Predmetnom nabavkom predviđena je i izrada glavnog projekta sanacije saobraćajnice za koju ponuđač **IBIS d.o.o. Zavidovići** nije dostavio potvrdu od druge ugovorne strane. Ponuđač je u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14 i 59/22) i dokumentaciju traženu tačkom 12.3. Tenderske dokumentacije te je ista u skladu sa uslovima iz Tenderske dokumentacije. Ponuđač je dostavio je ovjerenu kopiju Potvrde banke iz tačke 12.1. Tenderske dokumentacije, te je ista u skladu sa uslovima iz Tenderske dokumentacije. Obzirom na prethodno navedeno Komisija ponudu ponuđača **IBIS d.o.o. Zavidovići odbacuje**.

Ponuda ponuđača **PERSPEKTIVA-inženjering d.o.o. Visoko** je pravilna, računski ispravljena prema Zahtjevu za saglasnost za ispravku računске greške broj: 09/3-45-2-537/23 od 07.07.2023.godine i dostavljena u skladu sa uslovima iz Tenderske dokumentacije. Prilikom provjere računске tačnosti ponuda, Komisija je utvrdila da ponuđač **PERSPEKTIVA-inženjering d.o.o. Visoko** ima računsku grešku na obrascu Aneks II-a koja se odnosila na cijenu tačke glavni projekat fekalne i oborinske kanalizacije. Komisija je navedenom ponuđaču uputila zahtjev za saglasnost za ispravku računске greške. Navedeni ponuđač je u ostavljenom roku dao saglasnost na istu.

Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14 i 59/22), dostavio je ovjerenu kopiju Potvrde banke iz tačke 12.1. tenderske dokumentacije, te je ista u skladu sa uslovima iz Tenderske dokumentacije. Ponuđač je u okviru ponude dostavio ovjereno važeće Ovlaštenje za izradu dokumentacije na osnovu koje se izdaju vodni akti za složene vodne objekte ili aktivnosti (Lista A) koje izdaje Federalno ministarstvo poljoprivrede, vodoprivrede i šumarstva te je ista u skladu sa uslovima iz Tenderske dokumentacije.

Ponuda ponuđača **„Zavod za vodoprivredu“ d.d. Sarajevo** je nepravilna. Ponuđač nije u okviru ponude dostavio popunjenu specifikaciju iz Aneks II-a. Također, ponuđač je u okviru ponude dostavio potvrde o uredno izvršenim ugovorima za:

- Izradu Idejnog i Glavnog projekta za rekonstrukciju i izgradnju kanalizacionog sistema u opštini Laktaši, Izrada glavnog projekta, novelacija, izmjena i dopuna projekta sekundarne mreže (fekalne i oborinske kanalizacije Neuma) u sklopu međudržavnog odvodnog sustava „Komarna-Neum-Mljetski kanal“,
- Glavni projekat fekalne kanalizacije Brist-Banlozi, Izrada glavnog projekta fekalne kanalizacije naselja Bukovica, Odžak,
- Izrada idejnog i glavnog projekta izgradnje fekalnog kolektora od raskrsnice Safeta Zajke i Veteške do betonare „TBG“ BH d.o.o. i idejnog projekta izgradnje kišnog kolektora od raskrsnice Safeta Zajke i Veteške duž ulice Safeta Zajke do recipijenta Lepenički potok u Rajlovcu,
- Izrada idejnog i glavnog projekta sistema za vodosnadbijevanje iu ulici Kralja Stjepana Tomaševića kojima dokazuje da posjeduje izvršene ugovore za dio predmeta javne nabavke. Tačkom 12.2. Tenderske dokumentacije Ugovorni organ je tražio spisak izvršenih ugovora koji su u vezi sa predmetnom nabavkom i jednu ili više potvrda koju/je daje/u druga/e ugovorne/a strana o uredno izvršenom ugovoru/ima koji su u vezi sa predmetnom nabavkom. Predmetnom nabavkom predviđena je i izrada glavnog projekta sanacije saobraćajnice za koju ponuđač **„Zavod za vodoprivredu“ d.d. Sarajevo** nije dostavio potvrdu od druge ugovorne strane. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14 i 59/22) niti dokumentaciju traženu tačkom 12.3. Tenderske dokumentacije. Ponuđač je u okviru ponude dostavio običnu kopiju banke o solventnosti. Obzirom na prethodno navedeno Komisija ponudu ponuđača **„Zavod za vodoprivredu“ d.d. Sarajevo odbacuje**.

Komisija je predložila Ugovornom organu donošenje Odluke o izboru najpovoljnijeg ponuđača za izradu glavnog projekta fekalne i oborinske kanalizacije sa sanacijom saobraćajnice u naselju Muhašinovići, MZ Topuzovo Polje, **PERSPEKTIVA-inženjering d.o.o. Visoko**.

U skladu sa navedenim, odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.



GRADONACELNIK

mr.sc. Mirza Ganić, dipl.ing.

Dostavljeno:

1. IBIS d.o.o. Zavidovići,
2. PERSPEKTIVA-inženjering d.o.o. Visoko,
3. „Zavod za vodoprivredu“ d.d. Sarajevo,
4. Evidencija,
5. a/a.-